

Waxbarashada la xoojiyay ee fasalka 3-aad ka bilaabmaysa

Waxbarashada la xoojiyay waa waxbaris xoogga lagu saarayo maaddo ama mowduuc gaar ah. Ardeygu maaddadaas ama mowduucaas xoogga loo saaray ayuu baranayaa in ka badan inta ay ardeyda kale dhiganayaan. Waxbarashada la xoojiyay ardeyda dhigata waxaa laga yaabaa in toddobaadkooda waxbarasho uu 1–2 saac ka badanyahay ardeyda waxbarashada guud dhigata.

Waxbarashada la xoojiyay waxaay bilaabmaysaa fasalka 3-aad waxayna qaadanaysaa illaa dhammaadka fasalka 9-aad. Dhammaan dadka xiiseynaya oo dhan waxaa u bannaan inay codsadaan waxbarashada la xoojiyay. Hiwaayad ama khibrad in hore maaddadaas loogu soo lahaa loogama baahna ardeyga. Haddii ardeygu uu rabo inuu waxbarashada la xoojiyay codsado wuxuu leeyahay imtixaanka doorashada marka uu fasalka 2-aad ku jiro. Imtixaanka doorashada waxaa lagu qiimeynayaa in ardeygu uu diyaar u yahay inuu barto waxbarashadaas la xoojiyay ee uu codsaday.

Imtixaanka doorashada ardeyda lagu doortay waxaa laga qaybgalin karaa kooxda waxbarasho ee waxbarashada guud, markaasna xiisadaha maaddada waxbarashada la xoojiyay waxaa lagu dhigayaa kooxda waxbarasho ee ardeygu uu ku jiro. Ardeyda lagu doortay imtixaanka doorashada waxaa sidoo kale laga koobi karaa koox waxbarasho oo gaar ah.

Macluumaad dheeraad ah oo khuseeya waxbarashada la xoojiyay iyo imtixaanada doorashada waxaa laga heli karaa bogga internetka ee dugsiyada (edu.hel.fi/kouluhaku) ama marka lala xidhiidho dugsiga bixinaya waxbarashada la xoojiyay.

Awoodda soo jeedinta iyo matalaadda

Awoodda soo jeedinta iyo matalaaddu waa xirfad uu qofku wax ku soo jeedin karo ama ku matali karo. Waxaa awooddaas soo jeedinta iyo matalaadda lagu bartaa koox iyadoo ciyaar iyo matalaad loo adeegsado. Xiisadda soo jeedinta iyo matalaadda waxaa lagu tababartaa hadalka, dhaqdhaqaaqa iyo qoob ka ciyaarka, ruwaayadaha iyo muusiga. Waxaa la hiigsanayaa inuu ardeygu helo qaabka isaga ku haboon ee soo jeedin ama matalaad ah.

Imtixaanka doorashada waxaa ku jira casharo kala duwan oo soo jeedin iyo matalaad ku saleysan.

Xoojinta soo jeedinta iyo matalaadda waxaa lagu dhigan karaa dugsiga hoose-dhexe ee Kannelmäki.

Farshaxan-sawireedka

Farshaxan-sawireedka waxaa si baaxad leh loogu baranayaa sawirka, ranjiyeynta, qaabeynta iyo dhismaha oo teknolojiyad iyo material kala duwan loo adeegsanayo. Ardeygu wuxuu horumarinayaa soo jeedintiisa isaga gaar u ah iyo halabuurka farshaxan-sawireedkiisa.

Imtixaanka doorashada waxaa ku jira casharo kala duwan oo farshaxan iyo dhaqan iyo suugaan ku saleysan.

Xoojinta farshaxan-sawireedka waxaa lagu dhigan karaa dugsiga hoose ee Pikku-Huopalahti iyo dugsiga hoose-dhexe ee Aleksis Kivi.

Helsinki

Kasvatus ja koulutus
edu.hel.fi/tervetuloakouluun
#HelsinkiOppii



Jimicsiga

Jimicsiga waxaa lagu tababaranayaa awoodaha dhaqdhaqaaqa ee kala duwan iyo ciyaaraha isboortiska ee kala duwan. Tababarku wuxuu ku saleysanyahay awoodda dhaqdhaqaaqa, awoodda ciyaaraha kala duwan, awoodda isku miisaamidda jidhka iyo awoodda isticmaalka qalabka jimicsiga. Waxaa xiisadaha oo dhan marka lagu jiro waxbarashada loo adeegsan karaa qaababka waxbarasho ee waxqabadka ku saleysan.

Imtixaanka doorashada waxaa lagu cabirayaa awoodaha guud ee jimicsiga ee carruurta iyadoo loo adeegsanayo imtixaano ku habboon carruruta.

Xoojinta jimicsiga waxaa lagu baran karaa dugsiyada hoose-dhexe ee Haaga, Pukimäenkaari iyo dugsiyada wada jirka ah ee Merilahti iyo Puistopolku iyo dugsiga hoose ee Tahvonlahti.

Muusiikada

Muusiga waxaa lagu barkaa heesta, garaacidda qalabka muusiga, aqoonta muusiga, taariikhda muusiga iyo jimicsiga muusiga. Si wadajir ah ayaa muusiga loo wada sameeyaa.

Imtixaanka doorashada ardeygu wuu ku heesayaa wuxuuna ku sameynayaa cashar laxanka iyo riyaadhka lagu cabirayao.

Xoojinta muusiga waxaa lagu baran karaa dugsiga hoose-dhexe ee Laajasalom Suutarila iyo Vuoniitty iyo dugsiyada hoose Kaisaniemi iyo Oulunkylä. Xoojinta muusiga ee iswidhishka ah waxaa bixiya dugsiga Åshöjdens grundskola.

Qoob ka ciyaarka casriga ah

Qoob ka ciyaarka casriga ah ardeygu wuxuu soo jeedinta iyo matalaadda u siticmaalayaa dhaqdhaqaaqa iyo waxqabadka wadajirka ah. Waxbarista waxaa ka mid ah daawashawada bandhigga qoob ka ciyaarka, sheekeysii, iyo qoraalka qoob ka ciyaarkiisa uu qofku ka sameynayo. Ardeydu waxaay bandhigyo ku sameynayaan xafladaha dugsiga iyo xafladda Tanssin iyaga oo ardeyda qoob ka ciyaarka la wadaagaya. Ardeyda qoob ka ciyaarku wadashaqeyn ayaay la sameynayaan ardeyda muusiga.

Imtixaanka doorashada ardeygu wuxuu ku sameynayaa tababrka macallinku hagayo. Tababrka waxaa lagu qiimeynayaa awoodaha dhaqdhaqaaqa jidhka iyo qoob ka ciyaarka ee ardeyga. Tababarka waxaa sidoo kale lagu qiimeynayaa inta uu ardeygu ku dhiiranyahay inuu soo saaro dhaqdhaqaaq uu leeyahay.

Qoob ka ciyaarka casriga ah waxaa lagu baran karaa dugsiga hoose ee Kaisaniemi. Xoojinta qoob ka ciyaarka casriga ah dugsiga dhexe waxaa lagu yidhaahdaa farshaxanka qoob ka ciyaarka.

Matalaadda iyo soo jeedinta farshaxanka

Xoojinta matalaadda iyo soo jeedinta farshaxanka waxaa lagu bartaa farshaxan-sawireedka, muusiga, farsamada gacanta iyo aqoonta matalaadda iyo soo jeedinta. Matalaadda iyo soo jeedinta farshaxanka waxaa lagu sameeyaa shaqooyin farshaxan oo gaar ah iyo mashruucyo wadajir ah. Ardeydu waxaay booqanayaan goobaha dhaqamada sida teaterka iyo muyuseyummyada. Wadashaqayn ayaa lala yeelanayaa hay'adaha dhaqanka iyo suugaanta ku shaqada leh ee kala duwan.

Waxbarashada waxaa lagu xoojinayaa sannad walba maaddoyin kala duwan. Fasalka 4-aad waxa ala xoojiyaa farsamada gacanta, fasalka 5-aad muusiga fasalka 6-aadna farshaxan-sawireedka. Fasalka 8-aad waxaa xooga lagu saarayaa soo jeedinta iyo matalaada teaterka sidoo kale fasalka 9-aad waxaa xooga lagu saarayaa nooca farshaxanka iyo matalaadda ka midka ah ee ardeygu xiiseynayo. Fasalka 3-aad iyo fasalka 7-aad waxaa lagu baranaa maaddooyinka kala duwan ee farshaxanka iyo suugaanta.

Imtixaanka doorashada waxaa ku jira casharo farshaxan-sawireed, muusig, farsamada gacanta iyo awoodda soo jeedinta iyo matalaadda. Imtixaanka doorashada ardeygu wuxuu ku muujinayaa inuu wadashaqeyn sameyn karo.

Xoojinta matalaadda iyo soo jeedinta farshaxanka waxaa lagu baran karaa dugsiga hoose-dhexe ee Puistopolku.

Macluumaad dheeraad ah

edu.hel.fi/tervetuloakouluun